

REGLUGERÐ

um velferð gæludýra.

I. KAFLI

Tilgangur, gildissvið og skilgreiningar.

1. gr.

Tilgangur og gildissvið.

Tilgangur reglugerðarinnar er að tryggja velferð og heilbrigði gæludýra með góðri meðferð, umhirðu og aðbúnaði. Leitast skal við að þau geti lifað í samræmi við sitt eðlilega atferli eins og framast er kostur. Í reglugerðinni koma fram lágmarkskröfur um einstök atriði. Kanínur haldnar til framleiðslu kjöts, ullar eða feldar falla ekki undir reglugerð þessa.

2. gr.

Orðskýringar.

Í reglugerð þessari hafa eftirtalin orð merkingu sem hér segir:

1. *Dýraaðstaða sveitarfélags*: Aðstaða til að vista handsömuð dýr á ábyrgð sveitarfélags.
2. *Dýraathvarf*: Starfsemi þar sem tekið er á móti heimilislásum dýrum sem dvelja þar þangað til þeim er miðlað á nýtt heimili eða þau eru aflífuð.
3. *Dýradaggæsla*: Starfsemi þar sem dýra er gætt að degi til, þ.m.t. þegar umráðamenn þeirra eru fjarverandi.
4. *Dýraendurhæfing*: Starfsemi þar sem fram fer líkamleg endurhæfing og þjálfun dýra þar sem byggt er upp og þjálfað þol, styrkur og/eða hreyfigeta þeirra.
5. *Dýrahótel*: Sólarhringsgæsla dýra í lengri eða skemmri tíma, í atvinnuskyni.
6. *Dýraleiga*: Starfsemi sem leigir, lánar út eða notar gæludýr í þjónustu gegn þóknun.
7. *Dýralæknaaðstaða*: Hvers konar aðstaða sem er byggð eða standsett í þeim tilgangi að starfrækja heilbrigðisþjónustu fyrir dýr á ábyrgð dýralækna.
8. *Dýramiðlun*: Starfsemi hvort sem er í sjálfbodavinnu eða í atvinnuskyni sem tekur við og miðlar heimilislásum dýrum í tímabundna vistun eða heimili.
9. *Dýrasnyrtistofa*: Starfsemi þar sem gæludýr eru snyrt, svo sem böðuð og feldur, fjaðrir eða goggur snyrtur eða klær klipptar. Nær ekki til starfsemi sem fellur undir lög nr. 66/1998, um dýralækna og heilbrigðisþjónustu við dýr.
10. *Dýrasýning*: Sýning dýra, annarra en skrautfiska, á almannafæri, svo sem í dýra- og skemmtigörðum, á ræktunar- og dýrasýningum og í verslunum og fyrirtækjum. Notkun dýra við gerð auglýsinga, í fjölmiðlum, í kvikmyndum og á leiksýningum, við aðstæður eða umhverfi sem þeim er ekki eðlilegt, eða flokkast ekki undir hefðbundna notkun viðkomandi dýrategundar.
11. *Flutningsbúr*: Búr ætlað til tímabundins flutnings milli staða en ekki varanlegrar geymslu.
12. *Gæludýr*: Hundar, kettir, skrautfiskar, nagdýr, kanínur og búrfuglar og önnur hryggdýr (að undanskildum svínum, alifuglum, minkum, sauðfé og geitfé, nautgripum og hrossum) sem haldin eru til afþreyingar, félagsskapar og tómstundaiðju, sem og skrautfiskar notaðir í atvinnuskyni, fuglar notaðir til gagns eins og bréfdúfur og þegar hundar og kettir eru haldnir til gagns svo sem hundar í þjónustu lögreglu, tollgæslu og björgunarsveita, varðhundar, smalahundar, veiðihundar, sleðahundar, leitarhundar, blindrahundar, aðrir hjálparhundar og útihúsakettir.
13. *Gæludýraverslun*: Öll verslun með gæludýr að staðaldri í atvinnuskyni.
14. *Ósýnilegt rafgerði*: Niðurgráfin leiðsla eða önnur tegund af ósýnilegri rafsendingu sem dýr fær í sig t.d. í gegnum hálsól.
15. *Umfangsmikið gæludýrahald*: Gæludýrahald í skemmri eða lengri tíma skv. viðauka I.
16. *Umráðamaður*: Eigandi dýrs eða annar aðili sem er ábyrgur fyrir umsjá dýrs.

II. KAFLI Úttekt og eftirlit.

3. gr.

Opinbert eftirlit.

Ráðherra fer með yfirstjórn mála samkvæmt reglugerð þessari. Matvælastofnun fer með framkvæmd reglugerðarinnar og hefur eftirlit með að ákvæðum hennar sé fylgt.

Umráðamanni gæludýra ber að tryggja gott aðgengi eftirlitsaðila að öllum gæludýrum og öllum þeim svæðum þar sem gæludýr eru haldin.

4. gr.

Tilkynning.

Umráðamanni dýrahalds, sem talið er upp í viðauka I, ber að tilkynna Matvælastofnun um fyrirhugað dýrahald eigi síðar en þremur mánuðum áður en áætluð starfsemi hefst. Matvælastofnun skal taka út fyrirhugaða starfsemi innan þriggja mánaða frá móttöku tilkynningar.

Ef um tímabundna dýrasýningu er að ræða, er nægjanlegt að tilkynning berist Matvælastofnun tveimur vikum áður en fyrirhugað dýrasýning skal eiga sér stað.

Óheimilt er að hefja starfsemi eða halda dýrasýningu áður en staðfesting Matvælastofnunar liggur fyrir um að skilyrði varðandi húsakost, búnað og þekkingu sem sett eru í reglugerð þessari séu uppfyllt.

III. KAFLI

Almenn meðferð og umhirða.

5. gr.

Þekking, hæfni og ábyrgð.

Umráðamenn gæludýra skulu afla sér þekkingar á eðli og eiginleikum dýra sem þeir halda til að geta uppfyllt þarfir þeirra.

Umráðamaður tilkynningarskylds dýrahalds og starfsemi skv. viðauka I skal búa yfir nægjanlegri hæfni og þekkingu á viðkomandi dýrategund. Hann skal hafa þekkingu á:

- Gildandi lögum og reglugerðum.
- Atferli, eiginleikum og þörfum þeirra dýrategunda sem umráðamaður heldur eða starfar við.
- Aðbúnaðarkröfum, umhirðu og meðferð viðkomandi dýrategunda.
- Hreinlæti, þrifum, sótthreinsun og soppmedhöndlun sem fyrirbyggja smitsjúkdóma.
- Réttri fóðrun viðkomandi tegunda.
- Réttum viðbrögðum við veikindum eða slysum á dýrunum.

Umráðamaður skal jafnframt sjá til þess að annað starfsfólk sem kemur að umönnun dýranna búi yfir nægjanlegri hæfni og þekkingu á viðkomandi sviði skv. a.–f. lið 1. mgr. til að geta í starfi sínu uppfyllt skilyrði reglugerðar þessarar. Menntun eða námskeið sem er grunnur að þekkingu þeirri sem krafist er, skal vera unnt að skjalfesta.

Þeim sem selur eða gefur gæludýr ber skylda að veita þeim sem tekur við dýrinu upplýsingar um heilsufar, aldur dýrsins og eiginleika tegundarinnar. Veita skal viðtakanda leiðbeiningar um rétta meðferð, umhirðu og aðbúnað dýrsins.

Óheimilt er að fela börnum undir 18 ára aldri og ólögráða einstaklingum einum ábyrgð á dýri og skulu forráðamenn þeirra ábyrgir fyrir meðferð og meðhöndlun dýrsins. Ekki má afhenda eða selja ólögráða einstaklingum dýr nema með skriflegu samþykki forráðamanns og er dýrið þá á ábyrgð hans.

6. gr.

Almenn umhirða.

Gæludýrum skal ætíð sýnd fyllsta nærgætni. Umráðamaður skal taka tillit til ólíkra þarfa hinna ýmsu tegunda og aldurs skeiða að því er varðar fóðrun, umhyggju, hreyfingu, félagsskap og hitastig. Bannað er að beita gæludýr illri meðferð.

Umráðamanni gæludýrs ber skylda til að halda því hreinu. Feldi, fjaðrahami, klóm, goggi og tönnum skal jafnframt halda í heilbrigðu og eðlilegu ástandi.

Umráðamaður gæludýrs skal fylgjast með heilsufari þess og leita til dýralæknis leiki grunur á að það sé veikt eða slasað. Dauð dýr skal tafarlaust fjarlægja frá lifandi dýrum. Gæta skal þess að gæludýr sé í eðlilegum holdum skv. viðauka III.

7. gr.

Fóður og vatn.

Tryggja skal sérhverju gæludýri daglegan og greiðan aðgang að næringarríku, heilnæmu og óskemmdu fóðri og hreinu og ómengduðu drykkjarvatni. Viðhafa skal hreinlæti við fóðrun og í fóðuraðstöðu gæludýrs. Sérstaka aðgát skal hafa við fóðrun kvendýra með fangi, mjólkandi kvendýra, ungvíðis í örum vexti og aldraðra gæludýra.

8. gr.

Þjálfun, keppni og útbúnaður.

Við þjálfun, keppni, vinnu til gagns og sýningar skal þess gætt að ofbjóða ekki þoli og þreki dýrs. Verja skal dýr fyrir óþarfa áreiti og koma skal í veg fyrir aðstæður sem gætu valdið óþarfa ótta, óþægindum eða skaða. Fyrir vinnu, keppni og sýningar skal gæta þess að dýr hafi hlotið viðeigandi þjálfun og undirbúning. Gæta skal þess að hávaði á keppnis-, vinnu- eða sýningarsvæði dýra fari að jafnaði ekki yfir 65 dB. Ekki skal nota lasburða eða veik dýr, eða dýr sem komin eru að goti eða með mjög ung afkvæmi við þjálfun, keppni, sýningu eða vinnu til gagns.

Óheimilt er að nota hvers konar tæki eða tól, eða beita þau dýr sem þjálfá skal, neinum þeim aðferðum eða þvingunum, sem valda þeim sársauka eða hræðslu. Notkun, sala og dreifing á hvers konar útbúnaði sem gefa dýri rafstuð eða valda verulegum óþægindum er bönnuð. Óheimilt er að nota ósýnilegt rafgerði fyrir gæludýr. Notkun, sala og dreifing á hálsólum með gadda eða hvassa kanta innan á ól er bönnuð. Hálsól skal vera úr slíku efni og þannig gerð að hún geti ekki herst að hálsi eða skaðað dýrið á annan hátt.

9. gr.

Aðgerðir.

Við sársaukafulla aðgerð eða meðhöndlun skal ávallt deyfa eða svæfa gæludýr og veita þeim verkjastillandi meðhöndlun.

Að undanþegnum ófrjósemisaðgerðum og geldingum gæludýra eru skurðaðgerðir til að fjarlægja líkamshluta ekki leyfðar nema af læknisfræðilegum ástæðum. Skurðaðgerðir í tilgangi fegrunar, svo sem að fjarlægja spora og stýfa eyru eða rófu/skott, eru bannaðar.

10. gr.

Ræktun og æxlun.

Til undaneldis skulu aðeins notuð heilbrigð dýr í góðu líkamlegu ástandi. Dýr skulu ekki notuð til undaneldis fyrr en þau hafa náð til þess líkamlegum þroska. Ekki skal ala undan dýrum sem þekkt er að eru haldin arfgengum sjúkdómum eða með alvarlega skap- eða hegðunargalla sem geta haft áhrif á heilbrigði afkvæma eða skert eðlilegar lífslíkur og/eða lífsgæði þeirra. Ekki skal heldur ala undan dýrum sem vitað er að geti ekki fjölgað sér á eðlilegan hátt.

11. gr.

Merking og skráning.

Umráðamanni hunda, katta og kanína er skylt að auðkenna öll dýr innan 12 vikna aldurs með einstaklingsörmerki skv. alþjóðlegum ISO-staðli. Samtímis skal örmerkjanúmerið skráð í miðlægan gagnagrunn sem er samþykktur eða rekinn af Matvælastofnun. Umráðamanni ber að tryggja að upplýsingarnar séu réttar á hverjum tíma. Umráðamaður ber allan kostnað af merkingu og skráningu dýra sinna.

Hundar og kettir sem fara út skulu frá fjögurra mánaða aldri bera hálsól með merki þar sem fram koma eigendaupplýsingar svo sem nafn og símanúmer umráðamanns.

12. gr.

Handsömun.

Strax og umráðamaður dýrs verður þess var að gæludýr sleppur úr haldi skal hann gera ráðstafanir til að finna dýrið og handsama það.

Við skipulagða handsömun katta og kanína er leyfilegt að nota föngunarbúr eða háfa. Minnst ein hlið föngunarbúrs skal vera gegnsæ og skal vera sýnilegt úr fjarlægð hvort dýr sé í búrinu. Fyrir ketti skal föngunarbúr vera minnst 80 sm á lengd og 30 sm á breidd og hæð.

Við handsömun hunda er leyfilegt að nota föngunarbúr, háfa og þar til gerðar föngunarstangir, en einungis ef sá sem fangar hefur hlotið viðurkennda þjálfun að mati Matvælastofnunar, við notkun slíkra stanga.

Vitja skal búrana á minnst tólf klst. fresti. Ef ástæða er til að ætla að hitastig utandyra fari undir 5°C eða yfir 20°C skal vitja búrana á minnst þriggja klst. fresti.

Ávallt skal, eins fljótt og auðið er, leitað eftir örmerki dýrs sem fangað hefur verið. Ef ekki næst í umráðamann eða dýrið er ómerkt skal dýr án tafar flutt í dýraaðstöðu sveitarfélags.

Fugla sem sloppið hafa úr haldi má fanga með neti, háf, föngunarkassa eða öðrum aðferðum ef þess er gætt að slíkt geti ekki valdið þeim skaða.

13. gr.

Flutningar.

Þeir sem flytja gæludýr skulu tryggja að ferðamáti og staðsetning dýrs í farartæki misbjóði hvorki heilsu þess né þoli meðan á ferð stendur og tryggt sé að dýr valdi ekki hættuástandi við akstur. Hafa skal eftirlit með líðan dýrs meðan á ferð stendur til að tryggja velferð þess.

Óheimilt er að flytja veik eða særð gæludýr eða gæludýr komin að goti, nema verið sé að koma dýrinu til og frá dýralækni eða koma dýrinu til bjargar með öðrum hætti.

Sé gæludýr flutt í flutningsbúri skal það vera með heilum botni og vera það rúmt að gæludýrið geti staðið í því, snúið sér við, legið og hvílst. Í botni búrsins skal vera mjúkt og rakadrægt undirlag til að liggja á. Á búrinu skulu vera göt eða rimlar sem tryggja góða loftræstingu og útsýni.

Dvöl hunda, katta og kanína í farartæki á ferð skal ekki vera lengri en sex klukkutímar í senn án hvíldar, en sé ferðatíminn lengri skal veita þeim aðgang að fersku vatni, tækifæri til hreyfingar og að sinna nauðsynlegum þörfum sínum. Fóðrun skal vera minnst á 24 klst. fresti, en oftar ef um ungvíði eða dýr með aukna fóðurþörf er að ræða.

Óheimilt er að flytja gæludýr í farangursrými bifreiðar nema hægt sé að fylgjast með líðan þess úr farþegarými meðan á ferð stendur.

Á ferðum með skipum eða bílaferjum sem vara lengur en sex klst. ber að geyma dýrið í búri þar sem umráðamaður getur fylgst með því. Búrið þarf að uppfylla skilyrði sem fram koma í 3. mgr. Ef ferð mun vara lengur en 24 klst. þarf flutningsaðili að tryggja að viðbragðsáætlun sé til staðar ef upp koma alvarleg veikindi eða slys. Á styttri ferðum á sjó skal tryggja öryggi gæludýrs þannig að það geti ekki fallið útbyrðis og sé varið fyrir kulda og bleytu.

Við flutning á gæludýrum í flugvélum skulu gilda reglur samkvæmt 7. lið viðauka II.

Aðeins í undantekningartilvikum og í samráði við dýralækni er heimilt að nota róandi/kvíða-stillandi lyf fyrir flutning. Skulu þá fylgja dýrinu skriflegar upplýsingar um tegund lyfs, magn og tímasetningu inngjafar.

14. gr.

Smitvarnir.

Umráðamanni gæludýrs ber að fyrirbyggja mögulegt smit sjúkdóma eða snikjudýra. Ef smit kemur upp skal umráðamaður án tafar leita meðferðar fyrir dýr og grípa til aðgerða til að hindra smitdreifingu. Matvælastofnun er heimilt að setja nánari kröfur um fyrirbyggjandi aðgerðir gegn sjúkdómum svo sem bólusetningar eða lyfjameðhöndlunir ef þörf krefur.

15. gr.

Aflífun.

Dýralæknum er einum heimilt að aflífa gæludýr, nema í neyðartilfellum þegar fullreynt er að ekki næst í dýralækni og ætla má að sjúkdómur dýrs eða meiðsl valdi dýrinu óbærilegum kvölum eða séu banvæn.

Öðrum er þó heimilt að aflífa skrautfiska með koltvísýringi, eða öðru sambærilegu efni, enda hafi þeir aflað sér viðurkenndar þjálfunar að mati Matvælastofnunar um hvernig slík aflífun skal fara fram.

IV. KAFLI

Almennur aðbúnaður.

16. gr.

Aðbúnaður.

Aðbúnaður og aðstaða gæludýra skal hæfa stærð dýrs og hverri tegund með tilliti til hvíldar og hreyfingar. Byggingar, girðingar, búr og aðrar vistarverur skulu vera þannig að vel fari um dýr allt árið um kring. Daglegar vistarverur skulu vera hreinar, hæfilega hlýjar, þurrar, bjartar, vel loftræstar og lausar við dragsúg. Rými dýra skal taka mið af fjölda dýra samkvæmt viðauka II.

Óheimilt er að loka dýr í litlu og/eða gluggalausum rými. Inniaðstaða skal vera vel loftræst og einangruð til að geta haldið hitastigi og loftraka sem hæfir tegundinni.

Gæludýr skulu njóta dagsbirtu eða lýsingar í minnst átta klst. á dag. Stöðugur hávaði skal að jafnaði ekki fara yfir 65 dB.

17. gr.

Slysavarnir.

Umráðamaður skal tryggja eins og kostur er að vistarverur og umhverfi gæludýrs sé þannig að ekki sé slyshætta fyrir hendi eða að óvinveitt dýr geti ráðist að þeim.

V. KAFLI

Velferð hunda.

18. gr.

Aðbúnaður og umönnun hunda.

Umráðamaður hunds skal stuðla að rétttri meðferð í samræmi við eðli hans, eiginleika og aldur og ofgera honum ekki á neinn hátt. Einnig þarf að sinna umhverfisþjálfun og félagslegri þörf hans við manninn. Sérhver hundur skal hafa tækifæri til að komast út daglega til að geta sinnt eðlilegum þörfum sínum og fá þá hreyfingu sem er nauðsynleg tegundinni.

Aðbúnaður og aðstaða hunds skal hæfa stærð hans, tegund og aldri með tilliti til hvíldar og hreyfingar. Sé hundur hafður í búi eða stíu skal gætt að lágmarkskröfum skv. 1. lið viðauka II.

Tryggja skal hundi aðgengilegt svefn- og hvíldarpláss sem er laust við raka, dragsúg og hávaða. Undirlag skal vera þurrt, hreint og mjúkt. Rýmið skal taka mið af fjölda hunda og allir skulu geta legið í legurými samtímis í náttúrulegri stöðu, t.d. flatrí hliðarlegu.

Ekki skal skilja hund eftir einan og eftirlitslausan að jafnaði lengur en átta klst. í senn nema í undantekningartilvikum. Aðeins er heimilt að tjóðra hund ef nauðsyn ber til og þá einungis undir eftirliti í skamman tíma og þannig að hundinum stafi ekki hætta af.

Fóðra skal hund minnst einu sinni á dag. Ungviði, hunda með aukna orkuþörf og mjólkandi tíkur skal fóðra oftar. Tryggja skal að hundur sé í eðlilegum holdum miðað við tegundina skv. A-lið viðauka III.

19. gr.

Pörun og undaneldi.

Óheimilt er að nota tík til undaneldis nema hún sé heilbrigð og hafi náð til þess líkamlegum þroska, að jafnaði við annað lóðatímabil og ekki yngri en 18 mánaða. Tryggja skal að tík fái nægjanlega hvíld milli gota, að jafnaði 1-2 lóðatímabil. Tík sem hefur tvisvar gengist undir keisaraskurð má ekki nota áfram til undaneldis.

Óheimilt er að nota hund í ræktun sem þekkt er að haldinn sé arfgengum sjúkdómi, með alvarlega skap- eða hegðunargalla eða aðra eiginleika sem haft geta áhrif á heilbrigði afkvæma, skert eðlilegar lífslíkur og/eða lífsgæði þeirra.

Óheimilt er að þvinga fram þörun þar sem tikin sýnir augljós merki um óþægindi eða hræðslu.

20. gr.

Hvolpafullar eða mjólkandi tíkur og ungvíði.

Hvolpafullri tík skal útbúa viðhlítandi hvíldarpláss í rólegu umhverfi sem hún getur lagað sig að tímanlega fyrir got. Skyrt er að fylgjast náið með sérhverri hvolpafullri tík sem komin er að goti. Þá skal hafa reglulegt eftirlit yfir daginn með nýgotinni tík fyrstu tvær vikurnar eftir got og skal hún ásamt hvolpum sínum njóta næðis þann tíma.

Mjólkandi tíkur skulu hafa aðgang að legurými sem er óaðgengilegt fyrir hvolpana. Í undantekningartilfellum og þá aðeins vegna óviðráðanlegra aðstæðna, er heimilt að aðskilja hvolp frá tík áður en hann hefur náð átta vikna aldri. Umráðamaður skal sinna hvolpi daglega til að venja hann við samskipti við manninn og fjölbreytt umhverfi. Hvolpur yngri en 16 vikna skal ekki skilinn eftir einn og án eftirlits lengur en þrjár klst. í senn.

21. gr.

Flutningur og aðbúnaður hunda í flutningstæki.

Óheimilt er að geyma hund í flutningsbúri eða í flutningstæki, nema í eftirfarandi tilvikum:

1. Á hundasýningum, hundakeppnum og hundaprófum, vinnu til gagns og við þjálfun fyrir framangreind tilvik. Útsýni úr buri skal hindrað frá tveimur hliðum. Hundur skal viðraður minnst á þriggja klst. fresti yfir daginn. Á keppnis- og þjálfunarstöðum eða á ferðalögum er heimilt að geyma hund í buri eða lausan í flutningstæki yfir nótt ef hitastig leyfir skv. 2. mgr. en að hámarki í átta klst.
2. Við flutning milli staða skal dvöl hunds í buri í kyrrstæðu ökutæki ekki vara lengur en þrjár klst. nema ef um er að ræða tilvik skv. 1. tl. Að öðru leyti gilda skilyrði skv. 13. gr.
3. Tímabundið þegar sérstakar aðstæður krefjast þess, en þó aldrei lengur en þrjár klst.

Hund skal ekki skilja eftir í eða á flutningstæki án eftirlits ef hitastig getur farið yfir +25°C eða undir -5°C. Aldrei má skilja hund einan eftir í flutningstæki ef hann sýnir merki um vanlíðan.

Óheimilt er að flytja hund á opnum palli flutningstækis á þjóðvegum og í þéttbýli, nema þá stutta vegalengd. Við flutning skal hundur vera í buri með tryggum festingum eða hundurinn bundinn með bringubeisli sem er tryggilega fest í ökutæki. Hundategundir skv. 1. mgr. 23. gr. er heimilt að flytja lengri vegalengd á palli ökutækis ef þeir eru undir reglulegu eftirliti og hafðir í búrum sem veita gott skjól. Búrin skulu uppfylla almennar kröfur um flutningsbúr skv. 13. gr.

22. gr.

Útivist og útigerði.

Hundur í útigerði skal hafa aðgang að svæði í útigerði sem veitir birtu, skugga og skjól fyrir vindi og úrkomu. Útigerði skulu uppfylla lágmarkskröfur sem koma fram í 1.2 tl. 1. liðar viðauka II. Undirlag í útigerði skal vera þannig að þar safnist ekki vatn eða for og dýr geti óhindrað gengið um. Ef ekki er beinn aðgangur að innirými skal vera legurými í útigerði, sem helst þurr í úrkomu. Legurými í útigerði skal vera upphækkað og nógu stórt þannig að hundur geti legið í náttúrulegri stöðu, t.d. flatrí hliðarlegu og ef fleiri en einn hundur er í útigerði skulu þeir allir geta nýtt legurými samtímis.

Óheimilt er að nota ósýnilegt og sýnilegt rafgerði í útigerðum, þó er heimilt að nota sýnilegt rafgerði ofan á útigerði sem öryggisbúnað.

23. gr.

Hundar sem eingöngu eru haldnir utanhúss.

Einungis hundategundir sem eru til þess ræktaðar og hafa til þess líkamlegt atgervi og hafa fengið hæfilega aðlögun svo sem hreinræktaðir sleðahundar eða blendingar af slíkum tegundum sem eru með fullþróaðan vetrarfeld, þ.e. þéttan undirfeld og vatnsfrávísandi/vatnsfráhrindandi yfirfeld

ásamt þéttum feldi undir bógum, bringu, kvið og rakkar einnig á forhúð og pung, má halda utanhúss allan sólarhringinn. Æskilegt er að holdafar hunds sem eingöngu er haldinn utanhúss sé í holdastuðli 5 samkvæmt A-lið viðauka III. Óheimilt er að halda hund eingöngu utanhúss sé hann í holdastuðli 3 eða lægra. Útgerði fyrir hund sem eingöngu er haldinn utanhúss skal að lágmarki uppfylla sömu stærðarkröfur og innibúr og stíur skv. 1.1 tl. 1. liðar í viðauka II. Hund skal viðra utan útgerðis minnst einu sinni á sólarhring, til að tryggja hæfilega hreyfingu og félagslega og umhverfislega örvun.

Hundur sem eingöngu er haldinn utanhúss skal hafa aðgang að hundahúsi þar sem hann er haldinn að staðaldri sem veitir skjól fyrir vindi, sól og úrkomu. Gólflötur hundahúss skal vera upphækkaður frá jörðu og legurými hundsins haldið þurru og mjúku. Stærð hundahúss skal uppfylla lágmarkskröfur skv. 1.3 tl. 1. liðar viðauka II.

Aðeins er heimilt að tjóðra hund ef nauðsyn ber til og þá einungis undir eftirliti í skamman tíma. Þó er heimilt að tjóðra þá hunda sem uppfylla skilyrði 1. mgr., sem eru eingöngu eða aðallega notaðir sem sleðahundar og eru til skamms tíma haldnir á öðru svæði en þeir eru haldnir að staðaldri. Þó skal þeim tryggt skjól með þurru legurými. Tjóðrun má þó aldrei vara lengur en 3 mánuði ársins samanlagt. Tjóðrun skal framkvæmd með varanlegu efni, svo sem keðjum sem ekki skaða hundinn. Keðjurnar verða að vera af þyngd og gerð sem hæfir stærð hundsins. Lengd keðjunnar skal vera minnst 1,8 m og ávallt yfir yfirborði eða snjó á hverjum tíma og með snúningslið við festingu og hálsól sem leyfir 360 gráðu snúning. Bannað er að nota hálsól úr járn eða hálsól sem getur hert að hálsi hundsins. Hundur sem er tjóðraður skal leysa frá keðjunum daglega og í að minnsta kosti 10 klst. á viku, til að tryggja hæfilega hreyfingu og félagslega og umhverfislega örvun.

Tíkur með hvolpa og hvolpa undir 6 mánaða aldri skal ekki halda einungis utanhúss yfir vetrarmánuðina þ.e. frá 31. október til 30. apríl.

VI. KAFLI

Velferð katta.

24. gr.

Aðbúnaður og umönnun katta.

Aðbúnaður, umönnun og aðstaða kattar skal hæfa stærð hans, atferli og tegund. Tryggja skal ketti aðgengilegt svefn- og hvíldarpláss sem er laust við raka, dragsúg og hávaða. Undirlag skal vera hreint, þurrt og mjúkt. Ef fleiri en einn köttur eru í rýminu skulu þeir allir hafa aðgang að svefn- og hvíldarpláss samtímis.

Kattarsandkassa skal haldið vel hreinum og skal hann innihalda nægt efnismagn til að köttur geti rótað yfir saurinn.

Sé köttur hafður í buri, stíu eða útgerði skal uppfylla lágmarkskröfur skv. 2. lið viðauka II.

Óheimilt er að skilja kött eftir einan og eftirlitslausan lengur en í einn sólarhring.

Ekki skal tjóðra kött nema í undantekningartilvikum og þá einungis í brjóstól, undir eftirliti og í skamma stund.

Fóðra skal kött að minnsta kosti einu sinni á sólarhring. Ungviði, ketti með aukna orkuþörf og mjólkandi læður skal fóðra oftar. Tryggja skal að köttur sé í eðlilegum holdum skv. B-lið viðauka III.

25. gr.

Undaneldi.

Óheimilt er að nota læðu til undaneldis nema hún sé heilbrigð, hafi náð til þess líkamlegum þroska og ekki yngri en 12 mánaða. Læðu sem tvisvar hefur gengist undir keisaraskurð má ekki nota áfram til undaneldis.

Óheimilt er að nota kött í ræktun sem þekkt er að sé haldinn arfgengum sjúkdómi eða eiginleikum sem geta haft áhrif á heilbrigði afkvæma, skert eðlilegar lífslíkur og/eða lífsgæði þeirra.

26. gr.

Umönnun kettlingafullrar eða mjólkandi læðu og ungvíðis.

Kettlingafullri læðu skal útbúa hvíldarpláss í rólegu umhverfi sem hún getur lagað sig að tímanlega fyrir got. Skyllt er að fylgjast náið með sérhverri kettlingafullri læðu sem komin er að goti. Fyrstu tvær vikurnar eftir got skal nýgotin læða njóta næðis ásamt kettlingum sínum. Fylgjast skal reglulega með nýgotinni læðu. Mjólkandi læða skal hafa aðgang að legurými sem er óaðgengilegt fyrir kettlinga.

Búr þar sem læða með kettlinga er höfð skulu uppfylla lágmarkskröfur skv. 2.1 t.l. 2. liðar viðauka II.

Í undantekningartilfellum og þá aðeins vegna aðstæðna sem krefjast þess, er heimilt að skilja kettling frá læðu áður en hann hefur náð átta vikna aldri.

Kettlingur yngri en 16 vikna skal að jafnaði ekki skilinn eftir einn og án eftirlits lengur en sex klst. í senn.

VII. KAFLI

Velferð kanína og nagdýra.

27. gr.

Almenn meðferð og umhirða.

Kanínur og nagdýr skulu njóta afþreyingar og félagsskapar eftir því sem við á. Þegar dýr eru höfð saman skal val á dýrum taka mið af tegund, aldri, kyni og öðrum þáttum sem minnka líkur á ósætti. Gullhamstra skal hafa eina í búri frá þeim tíma sem þeir byrja að sýna hver öðrum árársarneigð.

Næturvirkum dýrum skal tryggður nægilegur friður til hvíldar yfir daginn.

Hamstrar, rottur og mýs skulu hafa ótakmarkaðan aðgang að fódri og vatni. Kanínur og naggrísir skulu hafa ótakmarkaðan aðgang að gróffóðri svo sem heyi eða grasi. Aðlögun skal eiga sér stað þegar breytingar eru gerðar á fódri.

Óheimilt er að skilja kanínur eða nagdýr eftir ein og eftirlitslaus lengur en einn sólarhring.

28. gr.

Undaneldi kanína og nagdýra og umönnun ungvíðis.

Aðeins skal nota heilbrigðar kanínur og nagdýr til undaneldis. Ekki skal ala undan kaninum eða nagdýrum sem eru haldin arfgengum sjúkdómum sem geta haft áhrif á heilbrigði afkvæma eða skert lífslíkur og/eða lífsgæði.

Tryggja skal að kvendýr fái nægjanlega hvíld milli gota og ekki sé gengið nærri holdafari eða heilsu.

Tveimur vikum fyrir got skal færa kanínu í sér búr/rými með aðgang að hlýjum hreiðurgerðarkassa skv. 3. lið viðauka II. Kanínu skal hafa eina í búri með ungum sínum á meðan ungarnir eru á spena. Ekki skal nema í undantekningartilvikum skilja kanínuunga yngri en átta vikna frá móður, dverghamstraunga og músaunga yngri en þriggja vikna, og gullhamstraunga og naggrísaunga yngri en fjögurra vikna.

Minnst skulu líða tvær vikur frá því að kanínuungar eru aðskildir frá móður þar til hún er aftur sett í búr með karldýri.

29. gr.

Almennur aðbúnaður kanína og nagdýra.

Búr eða aðhald skulu þannig gerð að dýr geti séð og heyrt það sem fram fer utan þess, fái útrás fyrir eðlilega hreyfipörf, hafi möguleika á afdrepi gegn áreiti, óvinveittum dýrum og of mikilli birtu eða hita og hafi jafnframt aðgang að hentugu legurými. Einnig skal tryggja aðstöðu og umhverfi sem mætir þörf dýrs fyrir tilbreytingu og afþreyingu. Tryggja skal að dýr geti ekki nagað sig út úr búri/aðhaldi. Kanínur og nagdýr má ekki halda á net- eða víragólfi. Þetta á þó ekki við þegar um hluta gólfs í útibúri er að ræða, sem ætlað er til að gefa aðgang að grasi. Stærð og gerð búra skal uppfylla lágmarkskröfur skv. 3. og 4. lið viðauka II.

Búrum skal halda þurrum og hreinum. Undirburður skal ávallt vera hreinn og úr viðeigandi efni, s.s. heyi, hálmur eða sagi. Ef fleiri dýr eru saman í búi skal vera legurými eða skjól sem öll dýr geti notað samtímis án þess að árásargirni skapist.

Séu kanínur hafðar úti að staðaldri skal slíkt aðeins gert eftir aðlögun að útiveru og tryggja skal aðstöðu sem veitir þeim skjól gegn veðri, vindum og sólarljósi, sé laus við dragsúg og vel einangruð frá jarðkulda og hafi tryggan aðgang að vatni. Nagdýr skal ekki vista utandyra og þau má ekki halda við hitastig lægra en 0°C. Ætíð skal tryggja að nagdýr hafi aðgang að stað þar sem hitastig er innan eðlilegra marka fyrir tegundina.

VIII. KAFLI

Velferð fugla.

30. gr.

Almenn meðferð og umhirða.

Þegar fuglar eru hafðir saman, skal val á fuglum taka mið af tegund, aldri, kyni og öðrum þáttum sem minnka líkur á ósætti.

Bannað er að tjóðra búrfugla. Þó má í undantekningartilvikum festa band við fóthring í skamma stund ef nauðsyn krefur við sérstakar aðstæður, eins og við flutning á fuglinum, og þá undir stöðugu eftirliti.

Búrfuglar skulu hafa óheftan aðgang að vatni og fóðri sem hæfir tegundinni. Ef fleiri fuglar eru saman í búi skulu allir geta náð til fóðurs samtímis.

Búrfuglum skal almennt gefinn kostur á að fljúga. Aðeins má vængstýfa þá fugla sem ekki er hægt að halda öðruvísi og þá aðeins af aðila sem hefur reynslu og þekkingu á slíku, að mati Matvælastofnunar. Aðra fugla má þó vængstýfa tímabundið ef þörf er á í upphafi þjálfunar og tamningar. Vernda skal vængstýfða fugla fyrir óvinveittum dýrum.

Óheimilt er að skilja búrfugla eftir án eftirlits lengur en einn sólarhring.

31. gr.

Undaneldi og umönnun ungvíðis.

Verpandi fugli skal tryggð aðstaða, s.s. í varpkassa þar sem fugl er varinn fyrir áreiti úr umhverfi. Tryggja skal að varp og ungauppeldi búrfugla gangi ekki nærri holdafari eða heilsu þeirra.

32. gr.

Almennur aðbúnaður fugla.

Tryggja skal aðstöðu og umhverfi sem uppfyllir þörf fuglsins fyrir afþreyingu og eðlilega hreyfingu. Staðsetning fuglabúrs skal vera þannig að fugl geti notið dagsbirtu eða lýsingar og sé varinn fyrir dragsúg og óþarfa áreiti.

Fuglabúr skulu þannig gerð, að þau henti fuglategundinni og þeir geti séð og heyrt það sem fram fer í umhverfi þeirra. Í fuglabúri skulu vera minnst tvö prik til að sitja á, af gerð og sverleika sem hentar fyrir tegundina. Botn skal vera heill með heppilegum undirburði. Séu margir fuglar í sama búi, skal vera það rúmt um fugla, að þeir geti allir setið samtímis á priki og unnt sé að fljúga á milli prika. Í búrum fyrir fleiri fugla skal jafnframt vera afdrep fyrir þá fugla sem er eiginlegt að draga sig í hlé, eða þá sem sýna merki um veikindi eða streitu. Búr ætluð páfagaukum skulu vera þannig að þeir geti klifrað í þeim. Lágmarkshæð fuglabúra frá gólfi mælt til hæsta setpriks skal vera 1,5 m. Stærð og gerð búra skal uppfylla lágmarkskröfur skv. 5. lið viðauka II.

Fuglar skulu njóta dagsbirtu eða lýsingar í minnst átta klst. á dag. Stöðug sterk lýsing og sterk lýsing að næturlagi er óheimil. Verpandi búrfuglar og fuglar sem settir eru í nýtt umhverfi skulu þó tímabundið hafa dauft næturljós. Hiti skal vera innan þeirra marka sem er tegundinni eðlilegt.

Sandbaðandi fuglar skulu hafa aðgang að hreinum fínkorna sandi. Baðandi fuglar skulu hafa reglulegan aðgang að hreinu baðvatni. Fuglabað skal vera af stærð og gerð sem hæfir tegundinni og skal ekki vera dýpra en svo að fuglinn geti staðið í botni þess.

IX. KAFLI
Velferð skrautfiska.

33. gr.

Almenn meðferð og umhirða.

Gæta skal þess að setja aðeins fiska í sama búr sem geta lifað í sambýli og sama umhverfi. Nota skal fóður sem hæfir tegundinni og fôðra þá eftir þörfum.

34. gr.

Undaneldi og umönnun ungvíðis.

Vernda skal sérstaklega fiska komna að hrygningu eða goti og ungvíði fyrir öðrum fiskum með sérstöku buri eða skjóli, sé þess þörf.

35. gr.

Almennur aðbúnaður skrautfiska.

Stærð, gerð og lögun fiskabúrs, vatnsmagn og lýsing skal miðuð við tegund, stærð og fjölda þeirra fiska sem í því eru. Minnst ein hlið búrsins skal vera ógegnsæ ef innrétting búrsins gefur ekki tilsvarendi vernd. Vatnsgæði, dýpt, salt-, hita- og sýrustig skal aðlaga að hverri tegund. Stærð fiskabúra skulu vera í samræmi við lágmarkskröfur skv. 6. lið viðauka II.

Skrautfiskar skulu eiga þess kost að leita skjóls eða fela sig henti það tegundinni. Hlutir og botnefni í fiskabúri skulu henta þeim tegundum sem þar eru.

Vatni í fiskabúri skal halda hreinu og lausu við skaðleg efni. Nota skal viðeigandi hreinsibúnað með afkastagetu sem er í samræmi við þéttleika fiskanna.

X. KAFLI

Dýradaggæsla, dýrahótel, dýraathvarf, dýramiðlun og umfangsmikið dýrahald.

36. gr.

Aðbúnaður.

Búr, gerði og stíur skulu vera þannig útbúin að dýr geti ekki sloppið út. Ekki skal hafa dýr saman ef hætta er á að þau valdi hvert öðru skaða. Ekki skal hafa saman í sama rými eða hóp fleiri fullvaxta dýr en 10 hunda eða 15 ketti. Taka skal tillit til aldurs og tegundar. Stærð og gerð vistarvera skulu uppfylla lágmarkskröfur fyrir viðkomandi dýrategund skv. viðauka II.

Búr fyrir ketti og kanínur skulu vera útbúin legurýmum þar sem öll dýr hafa samtímis aðgang að legurými. Kettir skulu einnig hafa klóru og klifurstæði.

Vistarverum dýra skal haldið þurrum og hreinum. Loftræsting skal vera góð í vistarverum dýra og koma skal í veg fyrir dragsúg. Andrúmsloft skal ekki innihalda meira en 10 ppm af ammoníaki og 3.000 ppm af koltvísýringi.

Lofthita og raka skal haldið sem næst kjörstigi fyrir hverja dýrategund. Rakastig skal að jafnaði vera á bilinu 40-70%. Stöðugur hávaði í vistarverum dýra skal vera innan við 65 dB þannig að hann hafi ekki skaðleg áhrif á heilsu dýra. Spendýr og fuglar skulu njóta dagsbirtu á því tímabili sem birtu gætir.

Sérstök aðstaða skal vera fyrir þau dýr er kunna að veikjast eða eru lasburða, sem og fyrir lóðatíkur og breimalæður. Jafnframt skal vera aðstaða til einfaldrar skoðunar og umhirðu, böðunar og feldhirðu þeirra dýra er þess gætu þurft.

Sé aðstaða fyrir óskiladýr skal hún vera í sérrými og aðskilin frá vistarverum annarra dýra.

Geyma skal fóður þannig að gæði þess og heilnæmi haldist.

Fyrir hunda skal vera sér útigerði við hvert búr eða stíu. Matvælastofnun getur þó samþykkt annað fyrirkomulag svo fremi sem slíkt tryggir útiveru dýra. Útigerði skulu vera á skjólgóðum og björtum stað. Fyrir ketti er útigerði valfrjálst. Útigerðum skal haldið þrifalegum. Í útigerðum skal hafa hrein legurými og koma í veg fyrir að yfirborð þeirra vaðist upp.

37. gr.

Almenn umhirða.

Hundar skulu hafa aðgang að útigerði og/eða viðraðir utan útigerða minnst einu sinni á dag til að tryggja hæfilega hreyfingu og félagslega og umhverfislega örvun í samræmi við þörf hverrar tegundar.

Tryggja skal hverjum ketti daglega hreyfingu og afþreyingu utan búrs, hvort sem er í útigerði eða öðru rými samkvæmt 2.2 t.l. 2. liðar í viðauka II.

Leiki grunur á að dýr sé veikt eða lasburða skal umráðamaður tryggja að dýr fái viðhlítandi skoðun og meðferð, eða aflífun hjá dýralækni.

38. gr.

Skráningar og afhending/sala.

Rekstraraðili eða umráðamaður á hans vegum skal hafa reglulegt eftirlit með þeim dýrum sem eru í umsjá hans. Eftirliti skal haga eftir aldri dýra og ástandi. Halda skal skrá um sérhvert dýr í aðstöðunni þar sem fram koma upplýsingar um tegund, kyn, aldur, lit og varanlegt auðkenni, upplýsingar um heilsufar, allar lyfjameðferðir sem og fyrirbyggjandi aðgerðir, fôðrun og daglega útiveru og viðrun, umhverfisþjálfun, þörun, afkvæmi og fjöldi þeirra og annað er viðkemur velferð dýrsins. Ef dýr deyr eða það er aflífað skal skrá ástæðu þess ef þekkt er.

Eftirlitsaðili skal hafa aðgang að skráum sem halda skal skv. 1. mgr. og skulu þær varðveittar í minnst þrjú ár.

Öllum dýrum, sem eru seld eða miðlað til nýrra umráðamanna, skulu fylgja upplýsingar um eiginleika viðkomandi dýrategundar, þarfir hennar og umhirðu, aldur dýrs, heilsufar, lyfjameðferðir og upplýsingar um fyrirbyggjandi aðgerðir. Ef þekkt er að upp hafa komið sjúkdómar eða smit í nánasta umhverfi dýrs er gætu varðað heilbrigði þess, er skylt að upplýsa um slíkt til umráðamanns og hvernig ber að bregðast við. Upplýsingarnar skulu vera skriflegar, eða á rafrænu formi á netsíðu ef viðtakandi staðfestir að hann geti nýtt sér rafrænt form.

39. gr.

Smitvarnir.

Aðstaða og efnisval í innréttingum skal vera þannig hannað að þrif og sóttthreinsun sé auðveld og smithætta af sjúkdómum eða sníkjudýrum milli dýra sé takmörkuð. Þrifa skal vistarverur dýra, þ.m.t. útigerði, daglega og sóttthreinsa reglulega. Skrifleg lýsing á verklagi við þrif og sóttthreinsun þar sem fram kemur m.a. tíðni og hvaða aðferðir og efni eru notuð skal vera til staðar í aðstöðunni. Þrif og sóttthreinsun skal skráð. Ekki má nota efni sem geta valdið dýrum vanlíðan eða heilsutjóni. Viðbragðsáætlun skal liggja fyrir ef upp kemur grunur um smitsjúkdóm.

40. gr.

Slysavarnir.

Allur útbúnaður skal vera þannig gerður að dýr slasi sig ekki eða að hann valdi þeim heilsutjóni. Gólf skulu ekki vera hál. Húsnæði þar sem dýr eru vistuð skal búið virkum eldvörnum svo sem reyk-skynjara og slökkvitæki. Matvælastofnun getur gert kröfu um að vistarverur dýra þar sem stunduð er tilkynningarskyld starfsemi eða dýrahald séu búnar sjálfvirkum viðvörunarbúnaði tengdum loftræstingu, hitastigi, vatnsflæði eða eldvörnum, ef það er nauðsynlegt til að tryggja öryggi dýranna.

Tryggja skal að dýr í gæslu valdi ekki hvert öðru skaða. Gerði, stíur og búr skulu þannig útbúin að dýr geti ekki sloppið og óvinveitt dýr komist inn.

XI. KAFLI

Önnur tilkynningarskyld starfsemi.

41. gr.

Dýraendurhæfing, dýralæknaaðstaða og dýrasnyrtistofur.

Tryggja skal að húsnæði henti starfsemi sem þar fer fram og öryggi þeirra dýra sem ætlað er að þiggja þjónustu. Aðstaða skal vera hönnuð þannig að lágmarka megi áreiti og álag á dýrin á bið- og þjónustusvæði og að dýr sem komið er með til þjónustu geti ekki valdið hvert öðru skaða. Skrá skal

tilfelli ef dýr skaðast eða dýr deyr óvænt undir meðhöndlun. Skrárnar skal varðveita í minnst þrjú ár og skulu þær vera aðgengilegar eftirlitsaðilum.

Aðstaða og efnisval í innréttungum skal eftir því sem við á uppfylla kröfur samkvæmt 39. gr.

Hafa skal eftirlit með gæludýri sem þjálfað er á vatnsbretti eða í sundlaug og gæta skal sérstakra smitvarna. Skylt er að halda skrá yfir notkun slíkrar þjálfunaraðstöðu eða þjálfunartækja, þar sem skráð er grófhreinsun vatnsins, með klórun eða annarri efnameðhöndlun til að halda bakteríuvexti í lágmarki. Skráin skal varðveitt í minnst þrjú ár og vera aðgengileg eftirlitsaðila.

42. gr.

Dýraleiga.

Rekstraraðili eða umráðamaður á hans vegum skal hafa náði og reglulegt eftirlit með þeim dýrum sem eru í umsjá hans. Eftirliti skal hagað eftir aldri og ástandi dýrs. Halda skal skrá um sérhvert dýr í aðstöðunni þar sem fram koma upplýsingar um tegund, kyn, fæðingardag, lit og varanlegt auðkenni ásamt heilsufarsupplýsingum. Halda skal skrá um sérhvert dýr í aðstöðunni, um heilsufar, allar lyfjameðferðir og fyrirbyggjandi aðgerðir, föðrun, þörun, afkvæmi og annað er viðkemur velferð dýrsins. Halda skal skrá yfir daglega tímalengd útiveru, gerð og tímalengd hreyfingar, notkun og/eða útleigu hvers dags.

Eftirlitsaðili skal hafa aðgang að skráum sem halda skal skv. 1. mgr. og skulu þær varðveittar í minnst þrjú ár.

43. gr.

Dýrasýningar.

Gæludýr sem taka þátt í hvers konar dýrasýningu skulu hafa hlotið viðeigandi þjálfun til að koma í veg fyrir ótta og streitu. Ef dýr sýnir merki um viðvarandi hræðslu ber að taka það úr sýningu.

Óheimilt er að nota dýr í sýningu valdi það dýrinu hræðslu eða sársauka.

Óheimilt er að sýna dýr sem er komið nálægt goti eða með afkvæmi yngra en 3ja vikna ef velferð dýrsins eða afkvæmisins er ógnað með sýningu þess. Þá skal þess gætt við sýningu slíkra dýra að þau komist í eða geti verið í skjóli frá áreiti á sýningartíma þegar þeim hentar. Ekki er heimilt að hafa dýr til sýnis í verslunargluggum, verslunarmiðstöðvum eða á öðrum sambærilegum stöðum ef það getur valdið ótta eða streitu hjá dýrunum.

44. gr.

Gæludýraverslanir.

Staðsetja skal ólíkar tegundir dýra í gæludýraverslun þannig að staðsetningin valdi þeim sem minnstu álagi og streitu. Tryggja skal að dýr geti matast, hvílst og gert þarfir sínar. Rúmgóð séraðstaða, aðskilin frá verslunarrými, skal vera fyrir dýr komin að goti og með ung afkvæmi. Leiki grunur á að dýr sé veikt eða lasburða skal slíkt dýr einnig vera í séraðstöðu aðskilið frá verslunarrými og öðrum dýrum. Skal umráðamaður með dýrahaldi verslunarinnar tryggja að dýr fái viðhlítandi skoðun og meðferð, eða aflífun hjá dýralækni.

Líta skal til dýra minnst einu sinni á sólarhring þá daga sem verslunin er lokuð.

Gæludýraverslunum er óheimilt að sýna, selja eða afhenda hunda eða ketti. Ennfremur er þeim óheimilt að sýna, selja eða afhenda lasburða eða veik dýr, dýr komin að goti eða með mjög ung afkvæmi. Kanínur eða nagdýr skulu við afhendingu hafa náð þeim lágmarksaldri sem tilgreindur er í 3. mgr. 28. gr.

Öllum dýrum, sem seld eru eða miðlað til nýrra umráðamanna skulu fylgja upplýsingar um eiginleika viðkomandi dýrategundar, þarfir hennar og rétta umhirðu. Upplýsingarnar skulu vera skriflegar, eða á rafrænu formi á netsíðu seljanda ef kaupandi staðfestir að hann geti nýtt sér rafrænt form. Ef upp hafa komið sjúkdómar eða smit í nánasta umhverfi dýrs í tengslum við starfsemina er gætu varðað heilbrigði þess, er einnig skylt að upplýsa um slíkt skriflega og hvernig ber að bregðast við.

Umráðamaður í gæludýraverslun skal halda skrá þar sem skráð er sérhvert dýr sem haldið er eða hópar af dýrum, ef einstaklingsskráning er ekki möguleg. Skrá skal upplýsingar um tegund, kyn,

aldur, lit og varanlegt auðkenni ef það er til staðar, heilsufar, allar lyfjameðferðir sem og fyrirbyggjandi aðgerðir, tíðni og tegund fóðrunar, daglega tímalengd viðrunar utan búrs ef það er gert, þörun, afkvæmi og fjöldi þeirra, og annað er viðkemur velferð dýrsins. Ef dýr deyr eða það er aflífað skal skrá ástæðu þess ef þekkt er. Eftirlitsaðili skal hafa aðgang að skrá og skulu þær varðveittar í minnst þrjú ár.

Stærð búra og vistarvera dýra í gæludýraverslunum skulu vera í samræmi við 1.-6. lið viðauka II. Ákvæði 36. gr. um aðbúnað dýra og 38.-40. gr. um skráningu, afhendingu, sölu, smitvarnir og slysavarnir gilda einnig þar sem við á.

XII. KAFLI

Ýmis ákvæði.

45. gr.

Brot gegn reglugerð þessari varða viðurlögum samkvæmt ákvæðum laga nr. 55/2013 um velferð dýra. Meðferð mála út af brotum á reglugerð þessari fer samkvæmt lögum um meðferð sakamála nr. 88/2008.

46. gr.

Reglugerð þessi er sett samkvæmt heimild í lögum nr. 55/2013 um velferð dýra. Reglugerðin öðlast þegar gildi og á sama tíma fellur úr gildi reglugerð um aðbúnað og umhirðu gæludýra og dýrahald í atvinnuskyni nr. 1077/2004.

Ákvæði til bráðabirgða.

Hunda, ketti og kanínur sem eru eldri en 12 vikna og eru ekki örmerkt og/eða skráð í miðlægan gagnagrunn samþykktan af Matvælastofnun við gildistöku reglugerðar þessarar ber að örmerkja og/eða skrá innan 6 mánaða frá gildistöku þessarar reglugerðar.

Starfsemi sem við gildistöku reglugerðar þessarar hefur gilt leyfi til dýrahalds, en uppfyllir ekki ákvæði reglugerðar þessarar er veittur frestur til 1. janúar 2018 til að uppfylla þau ákvæði er varðar búr, stíur eða útigerði samkvæmt viðauka II. Önnur skilyrði reglugerðarinnar skulu uppfyllt eigi síðar en 6 mánuðum frá gildistöku hennar.

Atvinnuvega- og nýsköpunarráðuneytinu, 21. janúar 2016.

Sigurður Ingi Jóhannsson
sjávarútvegs- og landbúnaðarráðherra.

Rebekka Hilmarsdóttir.

VIÐAUKI I
Tilkynningarskyld starfsemi.

- *Dýraathvarf.*
- *Dýraaðstaða sveitarfélaga.*
- *Dýradaggæsla.*
- *Dýraendurhæfing.*
- *Dýrahótel.*
- *Dýraleiga.*
- *Dýralæknaaðstaða.*
- *Dýramiðlun.*
- *Dýrasnyrting.*
- *Dýrasýning.*
- *Gæludýraverslun.*
- *Umfangsmikið gæludýrahald:*
 - a. *Hundar:*
 1. Hundahald með 10 eða fleiri hunda eldri en 12 mánaða.
 2. Ræktun með 3 eða fleiri got á ári.
 3. Útleiga á 3 eða fleiri hundum á ári.
 - b. *Kettir:*
 1. Kattahald með 10 eða fleiri ketti eldri en 12 mánaða.
 2. Ræktun með 3 eða fleiri got á ári.
 3. Útleiga á 3 eða fleiri dýrum á ári.
 - c. *Önnur gæludýrastarfsemi:*
 1. Kanínuhald með 6 eða fleiri kanínur eldri en 12 mánaða.
 2. Ræktun með 3 eða fleiri got á ári.
 3. Dýrahald og eða ræktun með önnur gæludýr svo sem nagdýr, búrfugla, bréfdúfur, skriðdýr, froskdýr eða skrautfiska sem eru með 6 eða fleiri búr (einingar) á ári.

VIÐAUKI II
Hús, innréttingar, búr og búnaður.

1. Lágmarksstærðir í vistarverum hunda.

*1.1 Innibúr og stíur.**

Lágmarksflötur búra og stía fyrir hunda í fermetrum:

	Hæð á herðakamb hundsins					
Fjöldi hunda	< 25 sm	25-35 sm	36-45 sm	46-55 sm	56-65 sm	> 65 sm
Einn hundur	2	2	2,5	3,5	4,5	5,5
Tveir hundar	2	2,5	3,5	4,5	6	7,5
Fyrir hvern auka hund skal auka rýmið um	1	1	2	2	3	3
Tíkur með hvolpa	2	3	4	6	8	9

* Á við um bæði hunda sem haldnir eru innan- og utandyra.

Ef tveir hundar af mismunandi stærð eru saman í búi eða stíu þá skal búrstærðin vera eins og um sé að ræða tvo hunda af stærri tegundinni.

Þak búrs skal vera nægilega hátt til að hundarnir geti staðið á afturfótunum án þess að reka sig upp undir, þó aldrei lægra en 1,3 m. Ekki er leyfilegt að stafla búrum.

Hundar skulu geta horft út úr búi eða stíu á umhverfi sitt frá minnst einni hlið.

1.2 Útgerði.

Lágmarksstærð fyrir útgerði í fermetrum:

	Hæð á herðakamb hundsins					
Fjöldi hunda	< 25 sm	25-35 sm	36-45 sm	46-55 sm	56-65 sm	> 65 sm
Einn hundur	6	10	15	16	18	20
Fyrir hvern auka hund skal auka rýmið um	2	3	4	4	6	8

Ef tveir hundar af mismunandi stærð eru saman í útgerði, þá skal stærð gerðisins vera eins og um sé að ræða tvo hunda af stærri tegundinni.

Hundar skulu geta horft út úr búi eða stíu á umhverfi sitt frá minnst einni hlið.

1.3 Hundahús.

Lágmarksstærð innra rýmis fyrir einn hund:

Lengd	Breidd	Hæð
Lengd hundsins (í metrum) mælt frá nefbroddi að skottrót, margfaldað með 1,1	Hæð hunds (í metrum) mæld við herðakamb, margfaldað með 1,1	Hæð hunds (í metrum) mæld við herðakamb, margfaldað með 1,2

2. Lágmarksstærðir í vistarverum katta.

2.1 Búr.

Lágmarksgólfplötur búrs	1,5 m ²
Lágmarksgólfplötur á kött í búi	0,7 m ²
Lágmarkshæð búrs	50 sm
Lágmarksgólfplötur athafnasvæðis utan búrs	5,0 m ²
Lágmarksgólfplötur á kött á athafnasvæði	1,0 m ²

Læða með kettlinga skal metin eins og tveir fullorðnir kettir.

Kettir skulu geta horft út úr búi á umhverfi sitt frá minnst einni hlið.

Engin hlið búrs skal vera styttri en 80 sm. Búr af ofangreindri stærð er ætlað fyrir ketti í dýra-athvarfi, dýrahóтели eða við aðra tímabundna vistun. Ekki er leyfilegt að geyma ketti í búrum af þessu tagi í meira en 3 mánuði án þess að veita þeim daglega aðgang að stærra svæði í að minnsta kosti 3 klst. á dag.

2.2 Útigerði og/eða rými fyrir varanlegt kattahald.

Útigerði og/eða rými fyrir varanlegt kattahald skal minnst vera 6 m². Lágmarksgólfplötur á kött skal minnst vera 2 m². Lágmarkshæð skal vera 1,9 m.

Kettir skulu geta horft út úr búi á umhverfi sitt frá minnst einni hlið.

3. Lágmarksstærðir í vistarverum kanína.

3.1 Rými.

Lágmarksstærðir:

Þyngd	Lágmarksgólfplötur búrs (m ²)	Lágmarksgólfplötur á dýr (m ²)	Lágmarksgólfplötur á kanínu með unga (m ²)	Lágmarkshæð búrs (m)
< 3,0 kg	0,5	0,25	0,5	0,5
3,0 - 5,0 kg	0,7	0,35	0,7	0,6
> 5,0 kg	0,9	0,45	0,9	0,7

Lágmarkshæð kanínubúrs skal auk þess vera þannig að kanínan geti staðið á afturfótunum án þess að reka eyrun upp í loft búrsins. Styttri hlið kanínubúra skal ná sömu lágmarkum og hæðin.

3.2 Hreiðurkassi fyrir kanínu með unga.

Lágmarksstærð:

Þyngd kanínu	Lengd (sm)	Breidd (sm)	Hæð (sm)
< 3,0 kg	35	28	20
3,0 - 5,0 kg	40	30	25
> 5,0 kg	45	35	30

4. Lágmarksstærðir í vistarverum nagdýra.*4.1 Búrastærð.*

Tegund	Lágmarksgólf-flötur búrs (m ²)	Lágmarksgólf-flötur á dýr í hóp (m ²)	Lágmarksgólf-flötur á dýr með unga (m ²)	Lágmarkshæð búrs (m)
Mýs	0,09	0,018	0,0275	0,2
Stökkmýs	0,12	0,06	0,15	0,2
Rottur	0,18	0,06	0,08	0,3
Dverghamstrar	0,09	0,045	0,045	0,2
Gullhamstrar	0,12	0,06	0,15	0,2
Naggrísir	0,3	0,15	0,25	0,25
Degas-rottur	0,3	0,15	0,25	0,4
Eyðimerkurrottur (Gerbil)	0,12	0,06	0,08	0,3

4.2 Hreiðurkassar fyrir dýr með unga.

Tegund	(sm)	(sm)	(sm)
Hamstrar	14	11	10

5. Lágmarksstærðir í vistarverum fugla.*5.1 Búrastærð.*

Flutningsbúr	Stærð fugls sm mælt frá goggi til stéls*	Hæð sm lágmark	Lengd sm		Breidd sm lágmark
			lágmark	hámark	
1	< 16 (allt að 4 fuglar)	15	15	20	13,5
2	16-25 (allt að 4 fuglar)	15	24	40	13,5
3	26-35 (allt að 2 fuglar)	20	36	60	18
4	36-45 (allt að 2 fuglar)	20	48	80	24
5	46-55 (aðeins 1 fugl)	30	60	100	30
6	> 55	50	70	120	40

Fyrir minni fugla má flutningsbúr vera úr pappa en skal vera úr harðvið eða járn fyrir stærri fugla. Lágmarkslengd 1,2 x lengd fuglsins, hámarkslengd 2 x lengd fuglsins, lágmarksbreidd 50% x lágmarkslengd.

Sölubúr	Stærð fugls sm mælt frá goggi til stéls*	Lágmarks- gólfflötur m ²	Fjöldi fugla	Lágmarks- hæð sm	Viðbótar gólfflötur f. hvern auka fugl m ²
1	< 16	0,12	6	30	0,015
2	16-25	0,2	10	40	0,016
3	26-35	0,6	10	60	0,06
4	36-45	0,6	4	80	0,1
5	46-55	0,6	3	100	0,2
6	> 55	1	1	100	0,5

Ekki skal halda fugl lengur í sölubúri en í 30 daga og skal hann þá færður í varanlegt innibúr af sömu stærð. Þar skal hann vera að lágmarki í tvær vikur áður en hann er á ný settur í sölubúr.

Varanleg innibúr	Stærð fugls sm mælt frá goggi til stéls*	Lágmarks- gólfflötur m ²	Fjöldi fugla	Lágmarks- hæð sm	Viðbótar gólfflötur f. hvern auka fugl m ²
1	< 16	0,1	1	40	0,05
2	16-25	0,2	1	40	0,08
3	26-35	0,5	1	90	0,25
4	36-45	1,0	1	90	0,6
5	46-55	1,5	1	150	0,75
6	> 55	2,0	1	150	1,00

* Ef stélfjaðrir vantar þá skal mæla eins og þær séu til staðar.

Við mælingu minnsta flatar á fugl með unga þarf ekki að mæla sérstaklega fyrir ungana þar til ungarnir geta flogið.

Rýmið skal vera nógu stórt til að fuglarnir geti hreyft sig án þess að stélfjaðrirnar snerti gólf eða vegg í búrsins.

Lágmarkslengd = 2 x lengsti fugl í búrinu, þó minnst 35 sm.

Hlutfall lengdar og breiddar ætti ekki að fara yfir 4:1 nema ef skammhliðin er að lágmarki 90 sm.

5.2 Bréfdúfur.

5.2.1 Rými fyrir fugla sem fljúga frjálst.

Lágmarksgólfflötur (m ²)	Lágmarksgólfflötur á fugl (m ²)	Lágmarksstærð styttri hliðar (m)	Lágmarkshæð (m)
4	0,1	1	1,8

5.2.2 Rými fyrir fugla sem ekki fljúga frjálst, lágmarksstærðir.

	Gólfhlötur (m ²)	Gólfhlötur á fugl (m ²)	Stærð lengstu hliðar (m)	Hæð (m)
Rými innanhús	4	-	3	1,8
Útisvæði	4	-	3	1,8
Heildarrými	10	0,3	3	1,8

Minnsta flugrými skal vera 3 m.

5.2.3 Stærð á hillu fyrir farandsbréfdúfur.

Lágmarksstærðir:

Gólfhlötur (m ²)	Stærð styttri hliðar (m)	Hæð ofan hillu (m)
0,2	0,4	0,25


6. Lágmarksstærðir í vistarverum skrautfiska.

6.1 Fiskabúr.

Fiskabúr skal innihalda einn lítra af vatni fyrir hvern fisk sem er upp að 5 sm langur og fjóra lítra fyrir hvern fisk sem er upp að 10 sm langur. Fiskar sem eru lengri og umfangsmiklir skulu hafa 1 lítra af vatni fyrir hvern lengdar sm fisks.

7. Kröfur fyrir flutningsbúr gæludýra sem flytja á í farangursrými flugvéla.

Kröfur til flutningsbúra fyrir gæludýr sem setja á í farangursrými flugvéla skal vera skv. alþjóðlegum staðli *IATA Live Animal Regulations (LAR)*. Búr skal vera gert úr hörðu efni sem ekki getur fallið saman. Þrjár hliðar búrsins skulu vera lokaðar en tryggja skal að nægjanlega mörg loftgöt séu á lokaðum hliðum búrsins. Mjúkt undirlag skal vera í botni búrsins og neðsta lagið skal vera rakadrægt. Merkja skal búið vel sýnilega með alþjóðlegum viðurkenndum merkingum sem sýna að lifandi dýr sé í búrinni og hvaða hlið búrsins skal snúa upp. Allir pappírar er varða dýrið skulu vera festir kirfilega utan á búið og þannig frá gengið að þeir hvorki blotni né fjúki. Framhlið búrsins skal vera með grindum þannig að dýrið geti séð út úr búrinni. Stærð búrsins skal miða við stærð dýrsins.



VIÐAUKI III

A. Holdastuðull fyrir hunda.*Undir eðlilegum holdastuðli 1-3.**Eðlilegur holdastuðull 4-5.**Yfirþyngd 6-9.***1**

- Rifbein, hryggur og mjaðmabein áberandi sýnileg.
- Engin sýnileg líkamsfita.
- Greinilegt tap af vöðvamassa (alvarleg vöðvarýrnun).

**1****2**

- Rifbein, mjaðmabein og mjóhryggjarliðir áberandi.
- Lítilsháttar tap af vöðvamassa.
- Kviður innfallinn.
- Engin þreifanleg fita.

**3****3**

- Rifbein, hryggur og mjaðmabein auðþreifanleg og geta verið sýnileg með engri áþreifanlegri fitu.
- Hryggjarliðir yfir lend sýnilegir og mjaðmabein standa út.
- Augljóst mitti og uppdreginn kviður.

4

- Rifbein og hryggur þreifanleg en eru með lágmarks fitulagi.
- Mitti auðvelt að greina, séð ofan frá.
- Greinilegur uppdreginn kviður.

**5****5**

- Eðlileg líkamshlutföll.
- Rifbein, hryggur og mjaðmabein ekki sýnileg en auðþreifanleg.
- Mitti sést aftan rifjahylkis ef horft er ofan frá.
- Kviður eðlilega uppdreginn.

6

- Rifbein þreifanleg en með ríflegu fitulagi
- Mitti er greinanlegt séð ofan frá en ekki áberandi.
- Kviður eðlilega uppdreginn án áberandi fitusöfnunar.

**7****7**

- Rifbein ekki auðþreifanleg vegna þykkis fitulags.
- Sýnileg fitusöfnun yfir lend og rófurót.
- Mitti hverfandi.
- Kviðarummál getur verið lítillega yfir meðallagi.

8

- Rifbein ekki þreifanleg undir miklu fitulagi nema miklum þrýstingi sé beitt.
- Áberandi fitusöfnun yfir lend og rófurót.
- Mitti ekki greinanlegt v/mikillar fitu.
- Aukið kviðarummál vegna fitusöfnunar.

9

- Rifbein ekki þreifanleg undir miklu fitulagi nema miklum þrýstingi sé beitt.
- Mikil fitusöfnun á brjóstkaða, hrygg og við rófurót.
- Mitti ekki sýnilegt og greinilega aukið kviðarummál vegna mikillar fitusöfnunar.
- Fitusöfnun á hálsi og útlimum.



9



B. Holdastuðull fyrir ketti.

Undir eðlilegum holdastuðli 1-3.

Eðlilegur holdastuðull 4-5.

Yfirþyngd 6-9.

1

- Rifbein sýnileg á snögghærðum köttum.
- Engin þreifanleg fita.
- Kviður áberandi inndreginn.
- Mjóhryggjarliðir og mjaðmabein áberandi sýnileg.

1



2

- Rifbein sýnileg á snögghærðum köttum.
- Mjóhryggjarliðir sýnilegir.
- Lágmarks vöðvafylling.
- Áberandi inndreginn kviður og engin þreifanleg fita.

3

- Rifbein auðþreifanleg með lágmarks fitulagi.
- Mjóhryggjarliðir sýnilegir.
- Greinilegt mitti við enda rifjahylkis.
- Lágmarks kviðfita til staðar.

3



4

- Rifbein þreifanleg með lágmarks fitulagi.
- Mitti sýnilegt við enda rifjahylkis.
- Kviður lítilsháttar inndreginn.
- Engin fitusöfnun yfir kvið.

5

- Góð líkamshlutföll.
- Hægt að greina mitti aftan við rifjahylki.
- Rifbein þreifanleg með þunnu fitulagi yfir.
- Væg fitusöfnun yfir kvið.

5



6

- Rifbein þreifanleg með lítillga auknu fitulagi yfir.
- Mitti og fitusöfnun á kviðsvæði greinanleg en ekki áberandi.
- Kviður ekki inndreginn.

7

- Rifbein ekki auðþreifanleg og með meðal fitulagi.
- Mitti illgreinanlegt.
- Greinilega aukið kviðarumfang.
- Kviðfita í meðallagi.

7



8

- Rifbein ekki þreifanleg og of þykkt fitulag yfir.
- Mitti ekki til staðar.
- Greinilega aukið kviðarumfang með áberandi mikilli fitusöfnun.
- Fitusöfnun yfir lendasvæði.

9

- Rif ekki þreifanleg undir þykku fitulagi.
- Þykkt fitulag yfir lendasvæði, á höfði og á útlimum.
- Kviður þaninn af fitu og mitti ekki til staðar.
- Mikil fitusöfnun á kviðarsvæði.

9



C. Holdastuðull fyrir kanínur.*Eðlilegur holdastuðull 3.***1 Mjög horuð.**

- Mjaðmabein, rifbein og hryggur eru útstæð og áberandi sýnileg.
- Áberandi rýr vöðvafylling og ekkert fitulag.
- Innfallið lendasvæði.

**2 Horuð.**

- Mjaðmabein, rifbein og hryggur auðþreifanleg.
- Áberandi lítil vöðvafylling og mjög þunnt fitulag.
- Lendasvæði flatt.

**3 Eðlilegt holdafar.**

- Mjaðmabein, rifbein og hryggur auðþreifanleg en rúnnuð viðkomu.
- Kviðfita ekki áberandi.
- Lendasvæði flatt.

**4 Í yfirþyngd.**

- Rifbein, hryggur og mjaðmabein ekki auðþreifanleg.
- Meðal fitulag.
- Lendasvæði rúnnað.

**5 Offita.**

- Erfitt að þreifa hrygg og mjaðmabein v/mikillar fitusöfnunar, rifbein illþreifanleg.
- Kviður lafir, mikil fitusöfnun á kviðsvæði.
- Lendasvæði með áberandi mikilli fitusöfnun.



D. Holdastuðull fyrir fugla.*Eðlilegur holdastuðull 2-4.***1 Horaður.**

- Lágmarks vöðvafylling þreifufð yfir bringubeini.
- Alvarlegt vannæringarástand.

2 Hæfilegt til undir meðallagi holdafar.

- Meðal vöðvafylling en bringubein auðþreifanlegt.
- Oft eðlilegt hjá fuglum af tegundinni cockatoo.

3 Kjör holdafar.

- Kúpt bringa, bringubein þreifanlegt.

4 Góð vöðvafylling, þungur fugl.

- Vöðvafylling í hæð við bringubein.
- Getur verið eðlilegt á ákveðnum Amazon-tegundum.

5 Offita.

- „Skorumyndun“
Vöðvafylling yfir topppunkt bringubeins, oft með áberandi fitulagi.

